

VENDIM
Nr.361, datë 1.4.2009

PËR NJË SHITESË NË VENDIMIN NR.15, DATË 14.1.2009 TË KËSHILLIT TË
MINISTRAVE “PËR KOMPENSIMIN E PAGESËS PËR PAJISJEN ME
LETËRNJOFTIM TË SHITETASVE NË NEVOJË”

Në mbështetje të nenit 100 të Kushtetutës, me propozimin e Ministrit të Brendshëm, Këshilli i Ministrave

VENDOSI:

Pas pikës 1 të vendimit nr.15, datë 14.1.2009 të Këshillit të Ministrave, shtohet pika 1.1, me këtë përmbajtje:

“1.1. Shtetasve, që nuk disponojnë pasaportë udhëtimi për jashtë shtetit, do t’u kompensohet pagesa për pajisjen me letërnjoftim në shumat, si më poshtë vijon:

a) Në masën 900 (nëntëqind) lekë:

i) të gjithë pensionistëve, që kanë pensione minimale, në qytet dhe të gjithë pensionistëve, në fshat, të cilët kanë aplikuar deri më tani apo do të aplikojnë deri më 1 maj 2009.

ii) të gjithë personave, që vuajnë dënimin, në kushtet e paraburgimit ose të burgimit.

b) Me kusht që të kenë aplikuar deri më tani apo që do të aplikojnë deri më 1 maj 2009, në masën 1000 (një mijë) lekë;

iii) të gjithë studentëve;

iv) të gjithë atyre, që përfitojnë ndihmë ekonomike, për shkak të papunësisë;

v) të gjithë atyre, që deri më 28 qershor 2009 mbushin 18 vjeç dhe votojnë për herë të parë;

c) Për të gjithë personat paraplegjikë dhe tetraplegjikë, si dhe për personat e verbër, masa e kompensimit është në vlerën e plotë të letërnjoftimit.”.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha